

芋根圖



芋根考

舊云閩蜀江浙多有之今許州人家田園中亦有種者苗高七八尺一科十數莖葉如楮葉而不花又面青背白上有短毛又似蘇子葉其葉間出細穗花如白楊而長每一朵凡十數穗花青白色子熟茶褐色其根黃白色如手指蘊宿根地中至春自生不須藏種根味甘性寒

救饑

採根刮洗去皮煮極熟食之甜美

荻蕨根圖




荻蕨根考

俗名麴碌音碌音生水邊下濕地其葉就地叢生葉似蒲葉而肥短葉背如劍脊樣葉叢中間擢亭上開淡粉紅花俱皆六瓣花頭攢開如傘蓋狀結子如韭花菁莢其根如鷹爪黃連樣色如堽泥色味甘

救饑

採根指去蘂及毛用水淘淨蒸熟食或曬乾炒熟食或磨作麴蒸食皆可

土團兒圖



土團兒考

一名地栗子出新鄭山野中細莖延蔓而生葉似荳葉微尖節每二葉攢生一處根似土瓜兒根微圓味甜

救饑

採根煮熟食之

綿囊兒圖



綿囊兒考

一名石粟兒出密縣山谷中生石間苗高三五寸葉似韭葉而闊瓦隴樣葉中擢亭出穗似雞冠莢穗而細小開淡紅花微帶紫色結小蒴兒其子似大藍子而小黑色根類獨顯蒜又似囊形而白味甜性寒

救饑

採取根添水久煮極熟食之不換水煮食後腹中鳴有下氣

金瓜兒圖




金瓜兒考

生鄭山田野中苗初生似小葫蘆葉而微小又似赤
電兒葉莖方莖葉俱有毛刺每葉間出一細藤延蔓
而生開五瓣尖碗子黃花結子如馬酸_音大生青熟
紅根形如雞彈微小其皮土黃色內則青白色味微
苦性寒與酒相反

救饑

掘取根換水煮浸去苦味再以水煮極熟食之

地參圖



地參考

又名山蔓菁生鄭州沙岡間苗高二三寸葉似初生
桑科小葉微短又似桔梗葉微長開花似鈴鐺樣淡
紅紫花根如母指大皮色蒼肉鑒白色味甜

救饑

採根煮食

獐牙菜圖



獐牙菜考

生水邊田初塌地生葉似龍鬚葉葉而長窄葉頭頗
圓而不尖其葉嫩薄又似牛尾菜葉亦長窄其根如
芋根而嫩皮色灰黑味甜

救饑

掘根洗淨煮熱油鹽調食

雞兒頭圖



雞兒頭考

生祥符西田野中就地拖秧生葉甚疎稀每五葉攢
生狀如一葉其葉花又有小鋸齒葉間生蔓開五瓣
黃花根又甚多其根形如香附子而鬚長皮黑肉白
味甜

救饑

採根換水煮熟食

川穀圖



川穀考

生汜水縣田野中苗高三四尺葉似初生葛秋葉微
小葉間叢開小黃白花結子似草珠兒微小味甘

救饑

採子搗爲米生用冷水淘淨後以滾水泡三五次去
水下鍋或作粥或作炊飯食皆可亦堪造酒

雞眼草圖




雞眼草考

又名稻不齊以其葉用指甲摺之作刺不齊故名生
荒野中場地生葉如雞眼大似三葉酸漿葉而圓又
似小蟲兒臥單葉而大結子小如粟粒黑茶褐色味
微苦氣與槐相類性溫

救饑

採子搗取米其米青色先用冷水淘淨却以滾水泡
三五次去水下鍋或煮粥或作炊飯食之或磨麪作
餅食亦可

潑盤圖



潑盤考

一名托盤生汝南荒野中陳蔡間多有之苗高五七
寸莖葉有小刺其葉彷彿似艾葉稍團葉背亦白每
三葉攢生一處結子作穗如半柿大類小盤堆石榴
狀下有蒂承如柿蒂形味甘酸性溫

救饑

以潑盤顆粒紅熟時採食之彼土人取以當果

地角兒苗圖



地角兒苗考

一名地牛兒苗生田野中場地生一根就分數十莖
其莖甚稠葉似胡豆葉微小葉生莖面每攢四葉對
生作一處莖傍另又生莖稍頭開淡紫花結角似連
翹角而小中有子狀似豇豆顆味甘

救饑

採嫩角生食硬角煮熟食豆

馬陵兒圖



馬陵兒考

生田野中就地拖秧而生葉似甜瓜葉極小莖蔓亦
細開黃花結實比雞彈微小味微酸

救饑

摘取馬陵兒熟者食之

龍芽草圖



龍芽草考

一名瓜香草生輝縣鴨子口山野間苗高一尺餘莖多濕毛葉形如地棠葉而寬大葉頭齊圓每五葉或七葉作一莖排生葉莖脚上又有小芽菜兩兩對生稍間出穗開五瓣小圓黃花結青毛莢莢有子大如黍粒味甜

救饑

收取其子或搗或磨作麪食之

雞冠果圖



雞冠果考

一名野楊梅生密縣山谷中苗高五七寸葉似潯盤葉而小又似雞兒頭葉微圓開五瓣黃花結實似紅小楊梅狀味甜酸

救饑

採取其果紅熟者食之

蓮子菜圖




蓮子菜考

生田野中所在處處有之其苗嫩時莖有紅紫線楞葉似繡蓬葉微細苗老結子葉則生出又刺其子如獨掃子大苗葉味甜

救饑

採嫩苗葉煤熱水浸淘淨油鹽調食曬乾爆食尤佳及採子搗米青色或煮粥或磨麪作餅蒸食皆可

胡枝子圖




胡枝子考

俗亦名隨軍茶生平澤中有二種葉形有大大葉者類黑豆葉小葉者莖類著草葉似苜蓿葉而長大花色有紫白結子如栗粒大氣味與槐相類性溫

救饑

採子微春即成米先用冷水淘淨復以滾水泡三五次去水下鍋或作粥或作炊飯皆可食加野菜豆味尤佳及採嫩葉蒸曬為茶煮飲亦可

米布袋圖



米布袋考

生田野中苗場地生葉似澤漆葉而窄小葉順莖排生稍頭攢結三四角中有子如黍粒大微扁味甜

救饑

採角取子水淘洗淨下鍋煮食其嫩苗葉煤熱油鹽調食亦可

天茄苗兒圖



天茄苗兒考

生田野中苗高二尺許莖有線楞葉似姑娘草葉而大又似和尚菜葉却小開五瓣小白花結子似野葡萄大紫黑色味甜


救饑

採嫩葉燉熟水浸去邪味淘淨油鹽調食其子熟時亦可摘食

治病

今人傳說採葉傳貼腫毒金瘡拔毒

豬尾把苗圖



豬尾把苗考

一名狗腳菜生荒野中苗長尺餘葉似甘露兒葉而甚短小其頭頗齊莖葉皆有細毛每葉間順條開小白花結小蒴兒中有子小如粟粒黑色苗葉味甜

救饑

採嫩葉燉熟換水浸淘淨油鹽調食子可搗為麪食

草三奈圖



草三奈考

生密縣梁家衝山谷中苗高一尺許葉似葦草而狹長開小淡紅花根似雞爪形而纒亦香其味甘微辛

救饑

採根換水煮食近根嫩白新葉亦可燉食

藤長苗圖



藤長苗考

又名旋菜生密縣山坡中拖蔓而生苗長三四尺餘莖有細毛葉似滴溜金葉而窄小頭頗齊開五瓣粉紅大花根似打盤花根根葉皆味甜

救饑

採嫩苗葉燉熟水浸淘淨油鹽調食掘根換水煮熟亦可食

牛皮消圖



牛皮消考

生密縣野中拖蔓而生藤蔓長四五尺葉似馬兜鈴葉寬大面薄又似何首烏葉亦寬大開白花結小角兒根類葛根而細小皮黑肉白味苦

救饑

採葉煤熟水浸去苦味油鹽調食及取根去黑皮切作片換水煮去苦味淘洗淨再以水煮極熟食之

水葱圖



水葱考

生水邊及淺水中科苗彷彿類家葱而極細長稍頭結莖莖彷彿類葱莖葉而小開鑿白花其根類葱根皮色紫黑根苗俱味甘微鹹

救饑

採嫩苗連根揀擇洗淨煤熟水浸淘淨油鹽調食

磚子苗圖



磚子苗考

一名關子苗生水邊苗似水葱而蘆大內實又似蒲葶稍開碎白花結穗似水莎草穗紫赤色其子如黍粒大根似蒲根而堅實味甜子味亦甜

救饑

採子磨麪食及採根擇洗淨換水煮食或曬乾磨爲麪食亦可

望江南圖



望江南考

其花名茶花兒人家園園中多種苗高二尺許莖微淡赤色葉似槐葉而肥大微尖又似胡蒼耳葉頗大又似皂角葉亦大開五瓣金黃花結角長三寸許葉味微苦

救饑

採嫩苗葉煤熟水浸淘去苦味油鹽調食花可炒食亦可煤食

元扈先生曰嘗過或名槐豆或直稱決明

欽定古今圖書集成博物彙編草木典

第七十九卷目錄

雜蔬部彙考五

徐光啓農政全書五

菜圖考 火焙菜圖考 雀古 韓國考 抓兒圖 銀條
菜圖考 水芥菜圖考 過 菜圖考 山左菜圖考 牛耳菜
圖考 山白菜圖考 菜圖考 菜圖考 菜圖考 菜圖考
圖考 燕兒菜圖考 甘露兒圖考 菜圖考 菜圖考 菜圖考
圖考 丁香菜圖考 牛膝圖考 菜圖考 菜圖考 菜圖考
圖考 一絲菜圖考 江蘇圖考 菜圖考 菜圖考 菜圖考
圖考 破破菜圖考 菜圖考 菜圖考 菜圖考 菜圖考
圖考 馬鞭菜圖考 菜圖考 菜圖考 菜圖考 菜圖考
圖考 苦麻菜圖考 羊耳菜圖考 菜圖考 菜圖考 菜圖考
圖考 野見菜圖考 菜圖考 菜圖考 菜圖考 菜圖考
圖考 高菜圖考 雀兒菜圖考 油灼菜圖考 菜圖考
圖考 板蕒菜圖考 鴨兒菜圖考 菜圖考 菜圖考 菜圖考
片圖考 菜圖考 菜圖考 菜圖考 菜圖考 菜圖考

草木典第七十九卷

雜蔬部彙考五

徐光啓農政全書五

雀舌草圖




雀舌草考
初生時采熟食以形似稱

抓抓兒圖



抓抓兒考
深秋采之日乾和穀煮食如辛清香可愛

舜芒穀圖



舜芒穀考

俗名紅落黎生田野及人家舊莊菓上多有之科苗
高五尺餘葉似灰葉葉而大微帶紅色莖亦高蘆可
爲拄杖其中心葉甚紅葉間出穗結子如粟米類灰
青色味甜
救饑
採嫩苗葉曬乾揉去皮煤熟油鹽調食子可磨麪做
燒餅蒸食

銀條菜圖



銀條菜考

所在人家園圃多種苗葉皆似高莖長細色頗青白
攢葦高二尺許開四瓣淡黃花結蒴似蕎麥蒴而圓
中有小子如油子大淡黃色其葉味微甘性涼
救饑

採苗葉煤熱水浸淘淨油鹽調食生採亦可食

火焰菜圖




火焰菜考

人家園圃多種苗葉俱似菠菜但葉稍微紅形如火
漢結子亦如菠菜子苗葉味甜性寒冷

救饑

採苗葉煤熱水淘洗淨油鹽調食

山慈圖




山慈考

一名隔慈又名鹿耳慈生輝縣太行山山野中葉似
玉簪葉微圓葉中攢葦似蒜葦甚長而澀稍頭結葍
葉似葱葍葉微開白花結子黑色苗味粹

救饑

採苗葉煤熱油鹽調食生醃食亦可

背韭圖




背韭考

生輝縣太行山山野中葉頗似韭葉而甚寬大根似
葱根味辣

救饑

採苗葉煤熱油鹽調食生醃食亦可

水芥菜圖




水芥菜考

水邊多生苗高尺許葉似芥菜葉極小色微淡綠
葉多花又莖又亦細開小黃花結細短小角兒葉味
微辛

救饑

採苗葉煤熱水浸去辣氣淘洗過油鹽調食

過藍菜圖



過藍菜考

生田野中下濕地苗初塌地生葉似初生菠菜葉而小其頭頗團葉間攢葶分又上結莢兒似榆錢狀而小其葉味辛香微酸性微溫

救饑

採葉燂熱水浸取酸辣味復用水淘淨作醬油鹽調食

牛耳朵圖



牛耳朵菜考

一名野芥菜生田野中苗高二三尺苗莖似蒿莖葉似牛耳朵形而小葉間分攢葶又開白花結子如粟粒大葉味微苦辣

救饑

採苗葉淘洗淨燂熱油鹽調食

山白菜圖



山白菜考

生輝縣山野中苗葉頗似豕白菜而葉莖細長其葉尖稍有鋸齒又似若蓬菜葉而尖瘦亦小味甜微苦

救饑

採苗葉燂熱水淘淨油鹽調食

山宜菜圖




山宜菜考

又名山苦菜生新鄭縣山野中苗初塌地生葉似薄荷葉而大葉根兩傍有又背白又似青莢兒菜葉亦大味苦

救饑

採苗葉燂熱油鹽調食

黃鵪菜圖




黃楊菜考

生密縣山谷中苗初塌地生葉似初生山萵苣葉而小葉腳邊微有花叉又似字字丁葉而頭頗團葉中嫩生莖又高五六寸許開小黃花結小細子黃茶褐色葉味甜

救饑

採苗葉煤熟換水淘淨油鹽調食

驚兒菜圖




驚兒菜考

生密縣山澗邊苗葉塌地生葉似匙頭樣頗長又似牛耳朵葉葉而小微濕又似山萵苣葉亦小頗硬而頭微團味苦

救饑

採苗葉煤熟換水浸淘淨油鹽調食

柴韭圖



柴韭考

生荒野中苗葉形狀如韭但葉圓細而瘦葉中嫩莖開花如韭花狀粉紫色苗葉味辛

救饑

採苗葉煤熟水浸淘淨油鹽調食生醃食亦可

灰菜圖



灰菜考

生田野中處處有之苗高二三尺莖有紫紅線榜葉有灰桴^音結青子成穗者甘散穗者微苦性暖生牆下樹下者不可用

救饑

採苗葉煤熟水浸淘淨去灰氣油鹽調食曬乾煤食尤佳穗成熟時採子搗爲米磨麪作餅蒸食皆可

丁香茄苗圖




丁香茄苗考

亦名天茄兒延蔓而生人家園籬邊多種莖葉紫多刺藤長丈餘葉似牽牛葉甚大而無花叉又似初生嫩綠葉却小開粉紫邊紫色心筒子花狀如牽牛花樣結小茄如丁香樣而大有子如白牽牛子亦大味微苦

救饑

採茄兒煤食或醃作菜食嫩葉亦可煤熟油鹽調食元扈先生曰嘗過恆蔬亦作蜜煎

甘露兒圖



甘露兒考

人家園圃中多栽葉似地瓜兒葉甚闊多有毛澀其葉對節生色微淡綠又似薄荷葉亦寬而嫩開紅紫花其根呼為甘露兒形如小指而紋節甚稠皮色黝白味甘

救饑

採根洗淨煤熟油鹽調食生醃食亦可

元扈先生曰又一種與甘露同而根作直枝無節者名銀條菜

猪殃殃圖



猪殃殃考

春採熟食猪食之則病故名

絲薺薺圖



絲薺薺考

二三月採熟食四月結角不用

牛塘利圖



牛塘利考

二三月採熟食亦可作齋

看麥娘圖



看麥娘考
隨麥生隴上因名春采熟食

破破納圖



破破納考
臘月便生正二月採熟食三月老不堪食

江薺圖



江薺考
生熟皆可用花時不可食但可作齋臘月生

燕子不來香圖



燕子不來香考
早春採可熟食燕來時則腥臭不堪食故名

猢猻跡圖



猢猻跡考
三月採之熟食

貓耳朶圖



貓耳朶考
正二月採搗爛和粉麪作餅蒸食

窩螺薺圖



窩螺薺考
正月二月採之熟食

馬欄頭圖



馬欄頭考
二三月叢生熟食又可作齋

藩籬頭圖



藩籬頭考
臘月採熟食入春不用

鴈腸子圖




鴈腸子考
二月生如豆芽菜熟食之生亦可食

倒灌齊圖



倒灌齊考
採之熟食亦可作齋

烏英圖



烏英考
一名烏英花入夏生水澤中生熟皆食六月不可用

抱娘蒿圖



抱娘蒿考
二三月採熟食叢生故名

苦麻蔓圖



苦麻蔓考
三月採用葉搗和麪作餅生亦可食

羊耳禿考



羊耳禿考
二三月採熟食

水馬齒圖



水馬齒考
採之熟食生水中與旱馬齒菜相類

野苧菜圖



野苧菜考
夏採熟食類家苧

黃花兒圖



黃花兒考
正二月採熟食

野芋薺圖

